

Sarajevoko bideak itxita daude oraindik Bosniako zibilentzat

Serbiarrek atzo ireki behar zituztela iragarri zuten Nazio Batuek

Bosniako serbiarrek Bukatu egin zuten atzo Sarajevoko errepideak ireki behar zituztela Bosniako zibilentzat eta Bosniako Gobernuari eta Nazio Batuetako «alde bati» ohartarazi zieten «bideak irekitzeko alde bateko edozein erabakik» ondorio larriak ekar ditzazkeela. Bideak zibilentzat irekitzea Sarajevoko Gobernuaren exigentzietako bat da su-etena onartzeko Bosniako hiriburuan.

SARAJEVO

Juri Txijik Sarajevoko Nazio Batuetako bozeramaileak ostira-lean iragarri zuenez hiriburua inguratzen duten indar serbiarrek onartu egin zuten bertaraino doazen errepideak zibilen joan-etorrietarako irekiko zituztela. Denak ez baziren ere, Hadzic-etik Ilidza-tik barrena hiriburu-raino doan errepideak atzo goi-zerako irekita egon behar zuen, eta hori ez zen hala gertatu.

Maksim Stanisic NBErekin elkarlanean aritzeko serbiarren batzordeko lehendakariak esan zuenez, beraiek ez dute halako hitzarmenik egin, eta salatu zuen NBEko Babes Indarren (Unprofor) zati batek bat egin duela Sa-rajevoko Gobernuarekin alde



Soldadu serbiar bat Bosniako iparraldeko fronteko lerroan.

RANKO CUKOVIC / REUTER

bateko erabakiz Ilidzako bidea irekitzeko zibilentzat. «Alde bateko erabakiz eginiko edozein saialdik ondorio larriak ekarriko lituzke zibilentzat eta horren erantzule ez litzateke egingo Bosniako Errepublika Serbia-rra», ohartarazi zuen Stanisic-ek.

Euren aurkako NATOren bonbardaketak eteteko, Sarajevotik arma astun gehienak erretiratzea, hiriburua desblokeatu eta Nazio Batuek babes eremu

izendatutako hiren aurkako bonbardaketak etetea onartu zuten indar serbiarrek. Baina NBEko konboientzako hiriburuko bideak ireki zituzten arren, serbiarrek zibil bosniarren zirkulazio askea ukatzen jarraitzen dute. Serbiarrek Sarajevoko bide guztiak kontrolatzen dituzte, bat izan ezik: Igman menditik zehar doana.

Bosniako Defentsa ministroak herenegun adierazi zuenez, prest

daude negoziazioek huts egiten baldin badute bide bat indarrez irekitzeko. Horri erantzunez, Momicilo Krajisnik Bosniako serbiarren parlamentuko lehendakariak Unproforri bidaltitako gutun batean ohartarazi zuen negoziazioak eta borrokak batera ematen baldin badira ez direla nahi diren emaitzak lortuko negoziatioetatik, eta indarrez bide bat irekitzeko edozein saialdiri indarrez erantzungo diotela.

Independentziaren aurkako jarrerak gora egin du hil honetan Quebecen

MONTREAL

Quebecoko probintziako biztanleen gehiengoak «ezetza» emango dute datorren urriaren 30ean probintzia frankofono hori Kanadatik bereizteko egingo den erreferendumean, atzo argitara eman ziren bi inkestaren arabera. Inkesta hauek Jacques Parizeau Quebecoko gobernuburuaren egitasmoak zapuzten ditu, iaz hauteskundeak irabazi ondoren autodeterminaziorako erreferenduma iragarri zuenean ziur baitzegoen «baietzak» irabaziko zuela.

Inkesta horietako batek, 'Leger & Leger' etxeak Torontoko 'The Globe Mail' eta 'Le Journal de Montreal' egunkarientzat eginikoak, «ezetzari» botoen % 53,2 ematen dizkio eta % 46,8 independentziaren alde daude-



Jacques Parizeau.

nei. Inkesta horrek % 3,1eko errore marjina du eta irailaren 25etik 28ra bitartean egin zen, datorren erreferendumeko 1.006 botoemaile potentzialen artean.

Bigarren inkestaren arabera, 'Crop' etxeak egin eta Montréalgo 'Le Press' eta 'The Toronto Star' egunkariak argitaratutakoa, independentziaren aurka Quebecoko botoemaileen % 55ek emango dute botoa, eta alde % 45ek. Inkesta hori irailaren 20tik 25era egin zen eta botoa zalantzan zutenen erantzunak banatu ondoren atera dituzte emaitzak. 2.020 lagunen artean egin zen eta % 2,2ko errore marjina du.

Atzo argitaratutako inkestaren arabera, independentziaren aurka botoa emango dutenen kopurua igo egin da zertxobait aurreko inkestekin alderatuta. Que-

becoko probintzian 1980an ere autodeterminazioari buruzko beste erreferendum bat egin zuten, eta orduan «ezezkoak» alde handiz irabazi zuen.

LABURREAN

PAKISTAN: 31 musulman erromes ito dira

Gutxienez 31 musulman erromes itota hil ziren ostira-lean Pakistango Dera gazi Jan hirian (Pakistango erdialdean), erromesak zihoazen traktorea kanal batera erori ondoren, polizi iturriek atzo informatu zuten. Biktimak Adil Pir Late musulman santuaren mausoleoa bisitatetik bueltan zihoazela gertatu zen istripua, atodun traktorearen gorpilek irrist egin eta itzuli ondoren kanalerara erori zirenean.

LURRIKARA gogorra Italiako hegoaldean

Mercalli eskalan 6-7 gradu eman zituen lurrikara bortitza jasan zuten atzo Italiako hegoaldean; ikara handia eragin zuen bertako biztanleen artean, lehenbiziko berrien arabera biktimarik izan ez bazen ere. Erromatik 449 kilometrorra izan zuen epizentrotza lurrikarak, Foggia probintziako Gargano hirian.

EEBB: Wilson-ek hauteskunde kanpaina utzi du

Pete Wilson Kaliforniako gobernadore errepublikarrak herenegun gauean iragarri zuen utzi egin duela datorren urteko Lehendakariarako hauteskundeetara aurkezteko kanpaina. Inmigrazioaren aurkako neurri zorrotzengatik fama handia irabazi zuen hautagai errepublikarrak barkamena eskatu zuen alderdi horretatik EEBB-eko lehendakari izateko hautagai kanpaina lagundu zioten guztiei, baina irabazteko aukera gutxi zituela eta erretiratu egiten zela esan zuen.



HONDARRIBIKO UDALA

ORDAINKETARAKO IRAGARKIA

HIRI ETA LANDA ONDASUN HIGIEZINEN GAINEKO ZERGA. EKONOMI IHARDUEREN GAINEKO ZERGA.

Ordainketarako epea: 1995eko irailaren 1etik azaroaren 10era, biak barne. Azaroaren 11tik aurrera %20 errekar-gua ezarriko zaie.

Ordainketarako lekua: Kutxa, Euskadiko Kutxa, Banco Guipuzcoano, Banco Bilbao Vizcaya eta Banco Central Hispano.

Hondarribia, 1995eko irailak 1
ALKATEA

GIZABURUAGAKO UDALA

IRAGARKIA

1.995eko otsailaren 16ko Udalbatzak udalerrian gaur egungo izen ofiziala "Gizaburuaga" euskerazko "Gizaburuaga"ra aldatzea erabaki zuen.

Espedientea hogeita hamar (30) lanegunetan zehar jende aurrean agertzen da denen ezagutzarako eta, iritzi ezker, erreklamazioak tartekatu ahal izateko.

Iragarkia Bizkaiko Aldizkari Ofizialean 1995eko irailaren 11n argitaratu zen, aldizkari zenbakia 173.

Gizaburuaga, 1995eko irailak 27
ALKATEA